



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**

Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material

916

917

918

919

920

921

922

923

924

613

F-76

2010

47
613.8

Ա.Ռ.Ա.Զ.Ն.Ո.Ր.

ԱՌՈՂԶԱՊԱՀՈՒՄԻ



ՀԱՏՈՐ ԲՍԱՆԵՐՈՐԴ

ԳԻՆՈՎՈՒԹԻՒՆ

Առողջապահությանն ոչ միայն մարդն առողջ ապրեցնելու և երկայնակեաց բնելու արհեստն է, այլ աւելի բարձր նպատակներ ունի: Եւ օրինաց ու խրատաց հետեւողներուն, կր ներշնչէ աշխատութան, ժողովրդական, բնասնիքի կանոնաւոր կենաց սէր: Տալով մարդուն կրօնով և առողջութիւն: Կ'աշխատի անոր բարոյական և խնցցական բարեպաշտութեանը: Մէկ խօսելով, առողջապահութեան նպատակն է, մարդը լատպոյն յօրինելով աւելի երջանիկ բնել:

ԱՇԽԱՏԱՄԵՐԵԱՅ

ՏԵՂԱԿԱՆ ԳՆԴԱՊԵՏԻ

ՏՕՐԹՕՐ ՄԱՆՈՒԷՂ, Բ. Յ. ԻԹԹԻՃԵԱՆ

Բժեշկ ԿԱՅՍԵՐԱԿԱՆ ՊԱԼԱՏԱՆՅ ԵՒ ԿԻՄԻԻՇ
ՍՈՒՅԻ ԱՐԹՈՒՆԻ ՀԻՒԱՆԳԱՆՈՅԻՆ

ՏԷՐ ԵՒ ՀՐԱՏԱՐԱԿԵԶ ՍԸՀԱԹ ԱՌՈՂԶԱՊԱՀԱԿԱՆ
ԼՐԱԳՐՈՅ

ԵՒ

Անգլաւ Գաղղիոյ, Անգլիոյ, Ռուսիոյ, Իտալիոյ,
Սպանիոյ, Պէրժիկոյի, Ամերիկոյի և Պաղպղիոյ
առողջապահական հիշեցումներէ

معارف نقارت حليبه سنك في ٥ ذى الحجه سنه ١٤١٥ و في ١٤
نيسان سنه ١٤٤٥ و نومرولى رخصتنامه سوله طبع اولنمشدر

4. ՊՕԼԻԱ (Արմ. Մ. Մարտիրոսյան)

1898

16148




در سعادت

احتراماً طبعه سی باب عالی جوارنده ابوالسعود جادری نومرو ۵۴

۲۸۳۹۰۵۷

Ա Ռ Ո Ղ Զ Ա Պ Ա Յ Ո Ւ Թ Ե Ա Ն

ԱՆՀՐԱԺԵՇՏ ԿԱՐԵՒՈՐՈՒԹԻՒՆԸ



Կեանքը մեզ աւանդ տրուած է, զայն ամէն
Վերստով խնամելու եւ պահպանելու պարտաւոր ենք :

Պէտք է կատարելապէս համոզուինք թէ իմաս-
տութիւնը կը պահանջէ որ փոխանակ հիւանդանա-
լով բժշկութիւն խնդրելու (որ անհոգութեամբ կամ
դարմանելու յապաղմամբ շատ անգամ նիւթապէս
ու բարոյապէս փնտասկար ըլլալէ զատ, մինչեւ իսկ
մահատիժ կը լինի) պէտք է բացարձակապէս առող-
ջապահիկ օրինաց համեմատ սպրիլ կամ թեթեւ
պարագաներու մէջ ընտանեկան անմիջական դար-
մաններով բժշկի չը կարօտիլ. բացի այն պատճառ-
ներէն զորս մարդ ի ծնէ հետ կը բերէ եւ կամ ա-
նակնկալ եւ անդիմադրելի պատահարներ տեղի
կուտան. այս օրինակ պարագայից մէջ բնական է
որ առողջապահութեան ասպարէզը վերջացած լի-
նելով, անհրաժեշտաբար հարկ է բժիշկի դիմել :
Առողջ սպրելու, հանգիստ վայելելու, կրօնքի,
խղճի ու խելքի համաձայն վարուելու համար մեր
կենսական տարրերքն եզոզ առողջապահութեան
բոլոր պայմանները պինդ գրկելու է :

Բացորոշ ճշմարտութիւն մ'է թէ՛

Ա. Աստուծոյ ազօթելու: համար առողջութիւնս պէտք է:

Բ. Տէրութեան եւ մարդկութեան ծառայելու համար առողջութիւնս պէտք է:

Գ. Ազգատը խնամելու եւ մխիթորելու, արժանավայել առաքինութիւնս գործելու համար առողջութիւնս պէտք է:

Դ. Հողը մշակելու, աշխատութեանց դիւրութեան համար մեքենաներ հնարելու, հազորդակցութիւնները դիւրացնելու, վաճառականութիւնն առաջ տանելու եւ այսպէս երկիրը զարգացնելու եւ յառաջացնելու համար առողջութիւնս պէտք է:

Ե. Անձին եւ ընտանիքին օգտակար բլլալու համար առողջութիւնս պէտք է:

Զ. Վերջապէս ամէն գրօսանք եւ հաճոյք վայելելու համար առողջութիւնս եւ միշտ առողջութիւնս պէտք է:

Ուր որ առողջութիւնս կը պակսի, հոն կենաց ապականութիւնը կը տիրէ: զոր օրինակ խնամ չտարուած տան մը ապականութիւնը հազար տնով քաղաք մը կրնայ կործանել եւ կամ անհատի մը փոխանցիկ հիւանդութիւնը բազմաթիւ անհատներու կենաց օրերը մարեւոյս պատճառ կըլլայ, պատճառ մը որ իրաւամբ մեզք մ'է Աստուծոյ դէմ, մեծ յանցանք մը տիրոջ կառավարութեան դէմ եւ մեծ թշնամանք մը ընկերական կենաց դէմ:

Մանրադէտով քննուած միեւնոյն մեծութիւնն ունեցող երկու առողջ եւ ընտիր հունտեր պարտէզի մը երկու ծայրերը տնկելով, երեք ամիս յետոյ մին կըլլայ պատուական, առոյգ տունկ մը,

միւսը բարակ եւ մազի նման :

Ինչո՞ւ այս տարբերութիւնը, զոր մեկնելու համար ոչ հոգեբանութիւն եւ ոչ ալ փիլիսոփայութիւն պէտք է :

Այն հունտն որ, կենաց խոհական երկու պայմաններն ունենալուն, առոյգ, կորովի եւ առողջ տունկ մը յառաջ բերած է, կը նմանի առողջ մարդուն :

Առողջ եւ առոյգ տունկ արտադրող հունտն ունեցած է իր աճման համար պէտք եղած շնչելիօղն ու սնանելու համար յարմար սնունդն : Իսկ միւսն ընդունայն որոնած է օդ՝ շնչելու, եւ արմատին ծայրերը բացուած են, բայց իրրեւ սնունդ ծծելու հիւթ չեն գտած : Այս զգալի ու համոզիչ տարբերութիւնը տեսնելով եւ սովրելով պատճառները, փոխէ տունկերուն տեղն, անմիջապէս պիտի տեսնուի թէ առողջը կը հիւանդանայ եւ հիւանդն ալ կ'առողջանայ :

Ի՞նչ օրէնքով որ կը ծնին, կ'ապրին, կ'աճին ու կը չորնան տունկերը, նոյնպէս կըլլան նաեւ մարդիկ. այս է պատճառն որ առողջ, առոյգ ու կորովի ծնողաց զաւակները, նիհար, տկար եւ հիւանդոտ կըլլան, ցաւով եւ հեծութեամբ կ'ապրին, եթէ երբէք ապրին :

Թոքախտաւոր, խոյլ սա, ոսկրաթեք, անարիւն եւ հազիւ մէկ ու կէս կանգուն հասակ ունեցողներէն շատերուն այդ վրճակին պատճառն ալ նոյնպէս այս է :

Ինչո՞ւ համար տունկի մը հունտերը, ծառի մը պտուղներուն ամէննալ գեղեցիկ, կատարեալ եւ համով չեն ըլլար. որչափ հունտեր չեն ծլիր.

Եթէ հունտերն ընտիր ըլլան իսկ, եթէ հմուտ պարտիզականի ձեռք չիյնան, սպասուած պտուղը չեն արտադրեր

Այժմ, մանաւանդ քաղաքաց մէջ, նիհար, գունաթափ, խեղանդամ մարդոց թիւը բարձրանալու վրայ է. որովհետեւ առողջ օդ ու առատ ըյս ունեցող բնակարանի մէջ չեն բնակիր. սնունդ նին խարդախեալ նիւթերով պատրաստուած է եւ մանաւանդ սգելից ըմպելիքներով թոքերնինկայրեն, լեարդնին կը խոչորցնեն, ուղեղնին կը թմրեցնեն, արիւննին նախ կ'ապականեն և յետոյ կը նուազեցնեն. ինչպէ՛ս կ'արելի է այս պայմաններով առողջ, առոյգ ու կորովի երիտասարդներ ունենալ:

Իժշկական վիճակագրութիւնք կ'ապացուցանեն թէ առողջապահական և անտեսական հզօր միջոցներու օգնութեամբ, գիտութեան առաջնորդութեամբ կատարուած մարդասիրական ջանից գործադրութեամբ տկար, նիհար, թմրեալ, մէկ խօսքով հիւանդ մարդոց թիւը խիստ քիչ պիտի մնայ քիչ ժամանակէն, եթէ բոլորովին չպակսի:

Ուստի եթէ կարող ըլլայի, նախ և առաջ ուսեցիլքներն ու խմելիքները խարդախողները, ծովու ջրով ու կիրով և մանաւանդ անուշահոտ ու համեղ բոյց թունաւոր սգիներով սպտրաստուած սգելից ըմպելիքներ շինողներն ու ծախողներն, ոչ միայն ծանր տուգանքի կ'ենթարկէի, այլ ապրանքնին ծովը կը թափէի. պէտք եղածին չափ օդ ու ըյս չունեցող, խոնաւ ու քոս հոտող, մաթկամ թոքախտի, խոլի բոյն եղող գործարաններն ու բնակարանները հիմնայատակ կընէի: Երկու առնէ քաղկացեալ գիւղերու մէջ իսկ դպրոցներ

կը հաստատէի ուր, մայրենի լեզուին հետ առողջապահութեան դասախօսութիւնը պատուաստին նման, ստիպողական կընէի. հիւանդանոցաց մէջ նախազգուշական միջոցներու անգործադրութէնէն ծնունդ առած հիւանդութեանց ենթակայ եղողներու համար եղած ծախքերը, հիւանդութեանց առաջքն առնող հակահեխակական դեղօրէից գործադրութեան կը տրամադրէի. գերեզմանատունները, զօրանոցները, գործարանները քաղաքէն դուրս կը հանէի. քաղաքները հասարակաց պարտէզներով կը շէնցնէի. երեկոյեան ժամը մէկէն յետոյ բոլոր դրօսավայրերը, սրճանոց, գինետուն գոցել կուտայի. գիշերային թատրոնները ցերեկի կը վերածէի. խիստ դիւրագին և եթէ կարելի ըլլայ ճրի բաղնիքներ կը հաստատէի. կ'աշխատէի որ ամէն թաղ իր ազօթավայրը, դպրոցը, բաղնիքըն եւ առատ ու մաքուր ջրոյ աղբիւրն ունենար:

Ասոնք եթէ դժուար են գործադրութեան մասին, բայց ոչ փնհնարին. կամք, կորով եւ հաստատամտութիւն ամէն նպատակի կը հասցնեն: Կարելոր ու մեծ գիւտ մը կատարուած օտէն սկսեալ ամէն ոք կը զարմանայ թէ ինչպէ՛ս մարդ գանի շատ աւելի առաջ չէ յղացած: Ծովու ջրին գտումովը, խմելու ջուր ձեռք ձգելու եղանակը չգիտցուեցն տալ, փոթորիկով, անապատային ամայի եղերքներու վրայ նաւաբեկող նաւաստին ծարաւէն կը չարչարուէր:

Ուայթին տաղանդովը, մարդ չուգիին ուժէն օգտուեցն առաջ, շարժումը դժուար եւ ծանր էր:

Հառով եւ Ուելլըն կարի մեքենան չը հնարած՝ դերձակներուն մատները կը ծակծկէին եւ աչաց արտեւանուէքը միշտ բորբոքած ու կար-

Քիր էին :

Արդարև ամէն բարենորոգում՝ զժուար եւ ծանրաքայլ եղած է :

Մէդրասիան զրութիւնն սրբան զժուարութեանց հանդիպեցաւ մինչև որ կրցաւ վաճառականական ու տնտեսական ամէն յարաբերութեանց մէջ սրմատանալ հակառակ զանոնք ընդունող ազգաց մէջ յառաջ եկած անվիճելի յառաջդիմութեանց :

Ամերիկայի հստակաս սր Միչիկան քաղաքին առողջապահական ժողովին կողմանէ , մարդոց , առանոց ու կարասեաց հականկիսումովն և հիւանդներն առողջներէ զատելու միջոցաւ , կեղծ մաշկի նման տարախոխիկ հիւանդութեան ծաւալումն արգիլելու համար ի գործ զրուած միջոցներուն ազգեցութիւնն ու բարիքը հասկցուին ու ընդհանրապէս շատ զժուար եղած է . ժողովուրդը շատ աչ համազուեցաւ թէ այսպիսի նախազուշտական միջոցներ կարող էին ստուգիլ իրենց զաւակաց մեծ մասը մահու ճիրանէն ազատ պահել :

Առողջարանից ջանքերը շատ զժուարութեամբ կարող եղան ազացուցանել թէ բժշկական գիտութիւնն յետ այսօրիկ կարող է ամէն տարի հազարներով երիտասարդաց գոյութիւնը կանխահաս մահէն անպատճառ ազատել :

Նոյնպէս բժշկաց վիճակագրութիւնք կը հաստատեն թէ առողջապահական օրինաց ուղիտութեան եւ անգործագրութեան առթիւ է սր ամէն տեսակ հիւանդութիւններէ մահնողներուն $\frac{1}{10}$ ին 75 ին չարաչար ու կանխահաս մահուան պատասխանատուն ազէտ կամ պարտազանց ծնողք եւ դաստիարակներն են :

Միչիկանի առողջապահական ժողովին մէջ ըս-

ուած է թէ, այսպիսի աղէտի մը առաջքն սոսն-
քու միջոցն է ժողովրդեան եւ մանաւանդ դաստիա-
րակին առողջապահական կրթութիւնն . իրաւ է
որ այսօր բաւական դպրոցաց մէջ առաջապահա-
կան տարրերքը կ'ու սուցուին, բայց այն ալ սահմա-
նափակեալ է միայն կերակրոց ու ջրոյ, սնունդի,
օգի ու շնչատութեան, արեան ու անոր շրջանին,
զգեստի, մ. բնամարդութեան նեղ շրջանակին մէջ
առանց կազմութեան եւ բնութեան ան-
հրաժեշտ գիտելեաց :

Բայց այսքանը բաւ չէ, աշակերտք սպագոյն
համար սովորած ըլլալու են թէ՛

1. Որո՞նք են փոխանցիկ հիւանդութիւնք .

2. Զանոնք ծնող պատճառները .

3. Նոցա ահարկու եւ մահառիթ հետեւու-
թիւններն եւ վերջապէս՝

4. Նոցա աճումը, սերունն ու տարածումն ար-
գիլող առողջապահիկ, նախազգուշական միջոցներն
ու հականեխական դարմաններն :

Ուստի ոչ միայն անխտիր բոլոր վարժարա-
նաց մէջ Ա. աղջապահութիւն կոչուած կենսապա-
հիկ գիտութեան սուսուցումն անհրաժեշտ է, այլ
եւ մանաւանդ անոր դասաւանդութիւնը ժամանա-
կիս պահանջման համաձայն ըլլալու է : Գաստիարակք
պարտին սովրեցնել թէ որո՞նք են ու ինչպէ՛ս կը ծնին
կ'ապրին, կ'աճին, կը տարածին ու կ'ոչնչանան փո-
խանցիկ հիւանդութիւնները ծնող միկրօբները :

Դղումին, վարունգին, ազատքեղին, հազար-
վայրին, սիրոյ ծաղկին՝ մանուշակին հունտերն ա-
մէնուն ծանօթ եղածին նման, թոքախտին մանրէն
կամ միկրօբը, նոյնպէս ամէնուն ընտանի ըլլալու է .
ասոր պէս ալ ամէն տեսակ տարափոխիկ հիւան-

դուժեանց միկրօրներուն ձեւը, ծնունդը, նոցա ապրելու, բազմանալու, տարածուելու պայմաններն ու վերջապէս զանոնք ինչպէս ոչնչացնելու միջոցներն ու դարմանները գիտնալ անհրաժեշտ է: Ամէն ոք, մեծ ու պզտիկ, հարսանիթին, ծաղիկին, շառատենդին, կեղծմաշկին, կապուտ հագլին նման ընդհանրապէս ամէն կողմ եւ միշտ տիրող փոխանցիկ հիւանդութիւնները սովբելու եւ ձանաչելու է: Ասոնց սկզբնակօտն ախտանիշներն եւ մասնաւորապէս պատճառներն ու աւաջքն առնող միջոցները սովբելով, կանխաւ ու քաջ տեղեակ ըլլալու է. ինչպէս՝ նաև հիւանդն առողջներէն զատելը. հականեխական դարմաններուն օգտակարութիւնն ու զանոնք գործածելու կերպերն, որք կը վերաբերին հիւանդին սենեակին, հիւանդապահին ու սորա ամէն տեսակ պիտոյից գործածելի կարասեաց եւ այլն:

Ահա այս է գլխաւոր պատճառն Ամերիկացւոց տարուէ տարի բազմանալուն եւ հարստանալուն. Ամերիկացին համոզուած է թէ, մարդ բարեկեցիկ ըլլալու համար առողջապահութիւն սովբելու է. առողջապահութիւն գիտնալու համար դպրոց երթալու է:

Այս սկզբամար Միացեալ Նահանգաց դպրոցաց թիւն օրըստ օրէ կաւելնայ. Ամերիկայի նախակրթական վարժարանաց թիւն է 20,000,000. դաստիարակացը 500,000. դպրոցացն 300,000. ծախքը 26,500,000 ու եկամուտն 285,000,000 տօլառայսինքն 6,270,000,000 դահեկան: Երկրորդական վարժարանաց թիւն 3,000, դասատուացը 10,000, ունենալով 300,000 ուսանողներ: Իսկ բարձրագոյն վարժարանաց եւ զանազան Ա.քատե-

միաներուն թիւն 7,000ը կանցնի 10,000դասաւորներով եւ 150,000 աշակերտներով:

Բոլոր գւրոցաց թաղարաններուն մէջ գաւուած գրքերու թիւն ալ 6,000,000 է:

Բայց ամէնէն աւելի դիտողութեան արժանի կէտը սա է որ Միացեալ Նահանգաց ամէն կարգի վարժարանաց ուսանողներուն դասաւանդութեան համար տարին սու սական 1,0000,00 առողջապահութիւն կը տպուի հասը երեք (3) գահեկանի. որքսել է տարին 3,000,000 գահեկան ծախք կըլլայ, առողջապահական սկզբունքն ընդհանրացնելու. իբաց առեալ 3,000 տեսակ բժշկական եւ 500 տեսակ առողջապահական ժողովրդային հանգէսները:

Դարուս ամէնէն հաշակաւոր առողջարաններէն մարդասէրն Սըռ Պէնժամէն Ուարտ Բիշարտսըն կազմախօսական ու բնախօսական օրինօք կ'ապացուցանէ, թէ մարդս մինչեւ 105 տարի ապրելու յարմար կազմուածք ունի: Մարդոց գոնէ $\frac{1}{10}$ ին 75 ն այսչափ տարի պիտի կրնային ապրիլ, եթէ գիտնային վարել ու բարւոք տնտեսել իրենց ֆիզիզական, իմացական ու բարոյական կարողութիւններն. այս նպատակին հասնելու համար չէրաւ միայն ժուժկալութեան կանոններուն հպատակիլ, այլ յարգել պէտք է նաեւ քունը, բնական ախարժակները ջափաւորել, եւ մարմնը ջափազանց չյոգնեցնել:

Քաղաքակրթութեան յառաջդիմութեամբ եթէ ընդհանուր բարեկեցութեան մակարդակը բարձրացած է, թշուառութեան պատճառներն ալ չեն պակսած: Աննախատեսութիւնը, գինովութիւնն եւ ասոնցմէ առաջ եկած մեծ աղէտք ոչ միայն

աղքատութիւնը կը մշտնջենաւորեն, այլ վատա-
նուջութիւն եւ բազմատեսակ հիւանդութիւններ
ծնելով կը տարածեն ամէն ուրէք, որք այսօր ա-
ւելի ջարդ կընեն, քան թէ միջին դարու սովն
ու ժանտախտն :

Աղքատութեան ուրիշ մէկ պատճառն ալ որ
գինովութեան չափ նպաստած է, քաղաքաց բազ-
մամարդութիւնն ըլլալը մտնալու չէ, զի շունջը
առնողն իր բնակավայրը թողլով քաղաք կը վազէ :

Գողթողք իրենց ընտանեաց գորովագութ խը-
նամբէն, շնչելի առողջ օդէն, եղ ու մեղրէն զըր-
կուելով ամէնքն ալ անձկութեամբ կապրին. շատեր
հիւանդանալով օտար սեւ հողերով կը ծածկուին :

Ժողովրդական կատարեալ գաստիարակու-
թեան զարգացումը կը պահանջէ խնայողական
անտուկներու, փոխադարձ օգնութեան ընկերու-
թեանց հաստատումը, բնակարանաց բարենորո-
գումն եւ, որ միանալով երկրագործական աշխա-
տութեան, որ ոչ միայն դապթելու վնասակար
պէտքին, այլ մարդ էակին կազմութեան հակառակ
եւ իրրեւ արարած գերագոյն, իր իմացական
բարձր կարողութեանց արժանիքն անպատուող
բեռնակրուքեան առաջքը կրնայ առնել, որով եւ
ժողովրդեան առողջ մասն արօրին կոթը չթողելով
երկրին հարստութեան բանալին պինդ բռնած կըլլայ :

ԺԳ. դարուն եւրոպիոյ բնակչաց $\frac{3}{5}$ ը ժան-
տախտէն ջարդուեցաւ :

Սիանի, Նարոլիի եւ Յլորանսի նման իտալա-
կան քաղաքաց եւ Սիկիլիոյ մէջ սոյն հիւանդու-
թենէն 530,000 հոգի մեռան :

Վերջերս Փարիզի թաղապետութեան ա-
ռողջապահական ժողովոյ կողմանէ հրատարակեալ

սլաշտօնական վիճակագրութիւն մը կապացուցանէ թէ փոխանցիկ հիւանդութիւններէն թոքախտը, Քօլէրայէն շատ աւելի ջարդ կընէ . ասոր մէջ կը տեսնուի թէ Փարիզի հիւանդանոցաց մէջ 2,000 ի մօտ թոքախտաւոր կը դարմանուի . իսկ տուներու մէջ 6,000էն աւելի թոքախտաւորաց զանազանսպասուներ կըլլան, եւ եթէ միջակ ու հարուստ դասի վերարեբեալ ընտանեաց մէջ գտնուած թոքախտաւորներն ալ ասոնց վրայ գումարուի միայն Փարիզի հըռօշակաւոր քաղաքը 20,000 ի մօտ թոքախտաւոր ունի:

Ոչ միայն տարափոխիկ հիւանդութեանց սխերիմ թշնամին մաքրութիւնն է, հետեւաբար հիւանդութեանց մանուանդ փոխանցիկ հիւանդութեանց առաջին առնող ամէնէն ազդու հականեխտական միջոցն է, այլ եւ Քօլէրայի նմանուրիշ ամէն տեսակ փոխանցիկ հիւանդութեանց դէմ եթէ ամէն քաղաք, ամէն անշատ մաքրութեան հոգ տանի ոչ միայն հիւանդութիւնք չեն տարածիր, այլ շուտով եւ առանց շատ զոհերու կը մտրին իրոնց միջավայրին մէջ եւ կ'անհետանան: Հետեւաբար շինանալով միշտ յիշելու է, թէ հիւանդութեանց մեծագոյն մասին եւ մանաւորապէս տարափոխիկ հիւանդութեանց գըլխաւոր սլաճառներն են տղիտութիւնն եւ անկէժնունդ առած թշուառութիւնն և անմաքրութիւնն:

Սնասունն իր սլաճառութիւնն ապահոված է իր բնազդին հետեւելով, իր բնախօսական վիճակը խանգարող ամէն սլաճառներէ հեռի կը կենայ . իսկ մարդը կազմուածքի գերազանցութեամբ ըն ունի նաեւ բանականութիւն, որով կարող է որոշիչ ազդելին ու գէշին, գեղեցիկին ու տգեղին մէջ եղած տարբերութիւնն, որով կրնայ իրմէ հեռացնել թէ մարմինն եւ թէ բարոյականը վնաս

սող ամեն տեսակ պատճառները :

Մարդկութեան ամէնամեծ մասը դէռ տգիտութեան, մոլութեան եւ շատ մը նախապաշարմանց զօն է . քաղաքակրթութիւնը կը քալէ, բայց սերունդը կը վտտթարանայ . վաճառականութիւնն, արհեստք, արուեստք, գրականութիւնը ծայրակէտին կը հասնին, բայց հիւանդութեանց տեսակն ալ կ'աւելնայ :

Թողախտը, խոյլն, սակրաթեքութիւնը, ջղալին հիւանդութիւնք, գաղղիական ախտն և այլն, այժմ թէ հարուստին եւ թէ աղքատին հաւասար բաժինն են : Ամուսնութեան մէջ ամէն բան, քաջառօղջ, կորովի կազմուածքը մաշեցնելու կը միտի :

Ոճրագործութեան պատճառները կը վերարբերին ոչ կլիմայի, ոչ ջերմութեան աստիճանին, ոչ եղանակաց, ոչ սեռի, ոչ տարիքի, ոչ սերնդի, այլ գլխաւորապէս հետեւանք են գինովութեան թշուառութեան, յուսի դաստիարակութեան, մէկ խօսքով տգիտութեան :

Կրթութեամբ ու դաստիարակութեամբ միայն կարելի է ամէն կողմ ընկերութեան խաւերու մէջ թափանցել տալ ժողովրդաց առողջութեան ու երջանկութեան անհրաժեշտ եղող առողջապահութեան սկզբունքները :

Ամէն մարդ անհրաժեշտ պէտք է գիտնայ մարմնական յարմար կրթութիւն . առաւօտները կանուխ ելլել . ուտելու, խմելու մէջ չափաւորութիւն . ուղեղային չափազանց աշխատութենէ զգուշութիւն . տարբեր աշխատութիւններով դրաշխիլ եւ այլն :

Վերջապէս ամէն տեսակ գիտութեանց մէջ, ժողովրդական ըլլալու ամէնէն աւելի արժանին ու ստիպողականն է Առողջապահութիւնը :

ԳԻՆՈՎՈՒԹԻԻՆ

Գինովութեան շափ տգեղ բան կայ :

Գինովութիւնը մայր է ամէնայն մոլութեանց ,
կը նուաստացնէ ու կը վատթարացնէ զմարդ .
կ'ազտեղէ իր գոյութիւնը . կը նշաւակէ իր սա-
տիւը . կը կտորէ իր արժանապատուութիւնը . կը
կընէ իր մէջ այն աստիճան տգեղութիւն մը , որով
առ անձն անտանելի եւ առ աչս իր նմանեաց
զսպրատեսիլ կըլլայ :

Ուստի գինովութենէն աւելի անորգ և գծուծ
մոլութիւն մը գանուիլը շենք կարծեր :

Եթէ հպարտութիւնը հրեշտակաց յատկացեալ
մեղքն է . ագահութիւնը մարդոց . գինովութիւնն
ալ վայրենեաց . բայց շմոռնանք թէ սոքա շեն
արբենար :

Գինովութիւնն աղէկ ճանչնալու համար , մէկ քա-
նի վայրկեան գինովներու ընկերութեան մը մէջ
փոխազրուինք : Չէ՞ք տեսներ զանոնք ծխախոտի
մուխով ու վատառողջ հոտերով ծանրաբեռնեալ
ազտոտ օդին մէջ , սեղանի մը շուրջը բոլորած
զաւաթներու մէջ յիմարութիւնը կու՛մ կու՛մ կը
խմեն : Ասոնցմէ շատերն ասպտամբ , անչնորհք մեծ-
ցած , հազիւ դպրոցէն ելած երիտասարդներ են .
որք իրենցմէ աւելի տարիքոտներու նմանելու մտօք
զրօնուլ կը կարծեն : Ոմանք իրենց կնօջ արտաս-
ուաց անլգայ հայրեր են . որք օղի , գինի , գա-
րեջուր եւ կամ ուրիշ սգելից ըմպելիքներով փո-
րերնին կուռեցնեն , մինչդեռ իրենց զաւակներն

անօթութեան եւ թշուառութեան դէմ դժնդար
կարար կը մաքառին :

Մանաւանդ, քաղաքաց եւ գիւղերու խուժանն,
ընկերութեան ամէնէն աւելի անբարոյականաց-
եալներն են . որք հաւաքեալ են բաքոսատուներն ,
եւ տաճարներն , իրենց անկարգութիւններն եւ ա-
նառակութիւնները կատարելու : Ընդ հուզ շատ
խմելով հաղորդակցութիւնք կը հաստատուին .
բարկամութիւնք , մանաւանդ ընկերակցութիւնք ,
մտերմութիւնք կը կազմուին եւ գաղտնիքները կը
մասնաւորին . զգոցողութիւնը կ'աճի , դէմքերը կը
զուարթանան եւ կը ներկուին ծիրանագոյն . աչ-
քերը կը փալկիլին . երեւակայութիւնը կը տաք-
նայ . միտքը կը սլծայ . զուարթութիւնը կը զեղի-
տխար մարդը չն ու զուարթ կըլլայ . կ'երգէ .
պարկեշտ մարդն երկղիմի բաւեր ըսել կը հա-
մարձակի . վախկտութիւնը՝ լորանքի . քաղաքա-
վարութիւնը՝ կապտութեան եւ հանդարտութիւնն
ալ մարկանութեան կը փոխուին :

Որչափ շուտ կը սպարպուին գաւաթներն , այն-
քան բուռն կըլլայ ծարաւը . գաւաթներուն ընդ-
հարումը ձայնով կըլլայ . ըմպելիքը համտեսօք
շիտնւիր , այլ կը կլլուի . հետզհետէ զգայարանք
կը թմրին . զլուխը կը ծանրանայ . դէմքը կը
կարմրի , կը բոցավառի , աչքերը կը մ'թննան եւ
կ'անկենդանանան :

Յինով մարդուն այս յատկանշանական աչքերը կէս
դոց կը մնան . լեզուն կը հաստնայ . շրթանց շարժ-
մունք աւելի կը դժուարանան . խօսիլ կ'ուզեն բայց
կը կակազեն , ամենքն ալ միանգամայն կը խօսին :
Ձայները կը բարձրանան գաւաթներուն շնկոցնե-

րուն հետ խառնուած . մէկզմէկ լսելի ընելու հա-
մար կը պուռան , կը պուռչտան , կը կուռին եւ շատ
անգամ յոյժ թշնամալից և արիւնոտ յանդգնու-
թիւններով բագոսատօնը կը վերջացնեն :

Ահա այն ատեն ոմանք իրենց բաժակներն իբ-
րեւ զէնք կը գործածեն , նետելով զանոնք իրա-
րու գլխի . ոմանք լաթերնին պատուտած կ'աշխա-
տին իրենց հակառակորդները վիրաւորել . ոմանք
կը կանչուըռտեն . ոմանք քունէ յաղթուած ան-
կիւն մը կը խորդան . ամէնէն աւելի խմողն , ա-
մէնէն աւելի կտրիճ , իսկ խմելը մերժողն ալ վատ
կը կոչուի . երբ ալ ժամանակը կուզայ գինետան
գոցուելուն , ասոնք իրենց խղճալի տուները կը
մտնեն եղկելի , արտասուելի , ժխոր ու աղմուկ
ընելու :

Կ'երեւի թէ որթին աւտասպելավէպը ճշմարտու-
թիւն մ'է , ահա թէ ինչպէս՝

Երբ նոյ գրազած էր որթ տնկելու , Սատանան
իր սովորական հետաքրքրութեամբն եկած է զա-
նի զխտելու եւ նահասակտին մօտենալով ի՛նչը-
նելը հարցնելու :

Որթ կը տնկեմ պատասխանած է :

Ի՛նչի ծառայելը կը հարցնէ Սատանան .

Պտուղն զմայլելի , տեսքը գեղեցիկ , համն ըս-
քանչելի եւ մանաւանդ մարդու սիրտը շէն-
ցընող խմելիք մը կը պատրաստուի կըսէ :

Քանի որ այդպէս է , կուղեմ ձեզ օգնել՝ կը
պատասխանէ Սատանան . և դառնուկ , առոյժ , կա-
պիկ ու խող մը մորթելով , այս շորսին արիւնն
ալ տունկին արմատը կը վազցնէ :

Ահա այն օրէն իվեր՝ 2839.57

1. Եթէ մարդ չափով խմէ, գառնուկի նման խելօքիկ, քաղցր եւ հեզամբոյր կըլլայ:

2. Եթէ փոքր ինչ աւելի խմէ, առիւծի նման ուժով ու կատաղի կըլլայ:

3. Եթէ չափը քիչ մ'ալ անցնէ կապիկի նման չարագործ, յիմար մը կը դառնայ:

4. Եթէ գինովնալու աստիճան խմէ, խոզի նման տիղմի մէջ կը թապլտիկի ու անարգ կըլլայ:

Օղին կ'անբանացնէ եւ ամենէն Սաստիկ համաճարակէն աւելի կը ջարդէ ժողովուրդներն:

Օղիին ազգութանական ծառն, այլասեռման հետեւեալ սոսկալի օրէնքով կը պատկերանայ:

Առաջին սերունդ.

Ոգելից ըմպելեաց սովորութիւն, չափազանց ութիւն, բարոյական վատթարացում:

Երկրորդ սերունդ.

Սովորական գինովութիւն. շէշտեալ, խելայեզ յայտնութիւնք. ընդհանուր եւ յառաջադիմական անդամալուծութիւն:

Երրորդ սերունդ.

Սեւամաղձութիւն, մելամաղձութիւն, ձգտում ցոփութեան, ոճրագործութեան, կազմական տարկանոնութիւն, ֆիզիզական ճոշուն կազմուած, յաճախ հիւանդութիւն եւ կանխահաս մահ:

Չարքորդ սերունդ.

Անկարութիւն, շլամտութիւն, ապշութիւն, ջանքութիւն, անճոռնութիւն, հրէշութիւն, բացարձակ ամլութիւն, մեռեալ մարդածնութիւն:

Ահա այսպէս կը մարի ընտանիքը, Փիզիգա-
պէս ու բարոյապէս փատթարանալով. ապացոյց
է հետեւեալ վիճակագրութիւնն՝ որ հրատարակ-
ուած է Անգլիացի հռչակաւոր յիմարարոյժ Ճօն
Սքուլինկ բժիշկի կողմանէ.

պատճառ խելագարութեան	խելագար հարիւրին
1. Գինեմոլութիւն	35
2. Ընտանեան վիշտեր	15
3. Մտատանջութիւն	13
4. Ծերութիւն	11
5. Զաւարդ սարսաղաներ	12
6. Արկածներ	6
7. Ծայրայեղ գրգռութիւն	4
8. Սիրահարութիւն	4

Այս թիւերը կ'ապացուցանեն թէ խելագարու-
թիւնը ծնող պատճառներուն առաջինն է գինե-
մոլութիւնը :

Գինովութեան պատճառները

Գինովութեան պատճառները պիտք է որոնել
մարդկային բնութեան եւ իրաց բնութեանը մէջ :

Օղի հանելու եւ օղի շինելու արհեստն ի վաղուց
անտի եւ ամէն քաղաքաց մէջ տեսնուած է. բայց
նախնի ժողովուրդք մեր օրերուն նման ոգելից
ըմպելեաց այսքան չափազանցութիւն չեն ըրած :
Ուստի այս չափազանցութիւնն իրաց գոյութեան
ու ճանաչման կարեւոր հետեւութիւն մը չէ :

Մարդկային բնութիւնն երբեմն երբեմն կը սի-

ըէ իր ամէնօրեայ վիճակէն խոտորիլ զանազան միջոցներով եւ մասնաւորապէս զրգուիչ ու զինովցընող ոգելից քմակելիքներով. բայց այս ճգտումը նախնեաց մէջ մեր օրերուն նման այս աստիճան չափազանցուած չէր :

Նախնի ժամանակաց մէջ հիմակուան պէս ուգելից քմակելիքներ գտնուելով հանդերձ այսքան չափազանցօրէն չէր գործածուէր, մինչդեռ այսօր ոգելից քմակելիք ամէնէն աւելի լուսաւորեալ կոչուած եւ ճանչցուած քաղաքաց ժողովուրդք իսկ կը գործածեն : Այս մտլութիւնը քաղաքակրթեալներէն վայրենիներուն մէջ կը մտնէ, ուստի պէտք է հետեւցնել թէ այս չափազանցութիւնն իրենց յատկութեանց մէջ իր սկզբունքն ունի եւ ոչ թէ մարդուն, բայց միայն լուսաւորեալ ճանչցուած մարդուն մէջ :

Երեք գլխաւոր պատճառներ կան մարդը գիտնովութեան մղող :

1. Գիտնովութեան առաջին ու գլխաւոր պատճառն է ծնունդն :

2. Երկրորդն է ընտանիքն, այսինքն պակաս անունդով չափազանց աշխատութիւնն :

3. Երրորդն է գեղ օրինակը :

Ծուլութիւնը մայր է ամենայն մտլութեանց կ'ըսէ ազգաց իմաստութիւնը :

Ծոյլը բեռ է իր անձին ու իրեններուն :

Ծոյլը զինքը տանջող սրանեղութեանէն ազատելու համար ամէն տեսակ չափազանցութեան եւ

մասնաւորապէս ոկրամոխլութեան տուած է ինք-
զինքը :

Մարմնային սպառումը սնունդէն աւելի չըլլալով
մարսողութիւնը պէտք եղածին չափ չուտ չկա-
տարուիր, որով կ'ստիպուի ոգելից ըմպելեաց մի-
ջոցաւ զանի գրգռել. սովորութիւնը տակաւ առ
տակաւ երկրորդ բնութիւն մը կ'ըլլայ եւ աստի-
ճանաբար նոցա քանակութիւնն աւելցնելու կ'ստի-
պէ :

Աշխատութեան չափազանցութիւնը բազդատ-
մամբ սննդեան քանակութեան ու որպիսութեան
փոխադարձ պատճառներով նման օրինակ արդիւնք
մը կ'արտադրէ. գրգռման պէտքն, սպառեալ
գործունէութիւնն ոգեւորելու պէտքը կ'զգացնէ,
զի անբաւական կամ դժուարամարս սնունդը
գրգռման պէտքին ուրիշ մէկ պատճառն է :

Հետեւողութեան ձգտումն ալ մարդուս բնա-
կան է. ամէն ոք վերիններուն նման ձեւուելու կը
ձգտի. գիւղը՝ քաղաքին. պզտիկները՝ մեծերուն,
գործաւորք, արհեստաւորք՝ վաճառականաց. վա-
ճառականք՝ ազնուականաց. գալով գինովութեան
մարդիկ ինչպէս ամէն բանի մէջ ծոյլերուն եւ ոչ
թէ աշխատասէրներուն կը հետեւին :

Մարդիկ իրենց օրինակները վերիններէն եւ ոչ
թէ վարիններէն կ'որոնեն :

Սբարտացիք, երիտասարդները գինովութենէ
զզուեցնելու համար գինով գերինները կը ցուց-
նէին, այսպէս ընելնուն նպատակն էր որ, եթէ
իշխանները կամ ազնուականներն իբրեւ օրինակ
առնէին, տարակոյս չկար թէ անվրէպ հակառակ
արդիւնք մը պիտի ունենային :

Գինովութեան վերաբերեալ երեք պատճառներէն շո-լո-թի-անն ամենագլխաւորն ըլլալն յայտնի եղաւ. ու միւս երկուքն ալ ասոր հետեւանքը. զի մէկին ծուլութիւնը, միւսն անհրաժեշտաբար կը դատապարտէ չափազանց աշխատութեան:

Գինովութեան ճշմարիտ դարմանը գտնելու համար, պէտք է ուրեմն բուն իսկ աղբիւրին, սկզբնապատճառին, այսինքն ծուլութեան դիմել:

Ամէն ոք անօթութենէ չմեռնելու համար պարտի աշխատիլ, այս պայմանաւ ծուլութիւնը գոյութիւն չպիտի ունենայ, կամ թէ խիստ քիչ պիտի ըլլայ:

Ուտոի ծուլութիւնը բնական չէ. կը ծնի ու կը զարգանայ այնպիսի ընկերութեան մէջ, ուր շնորհիւ արհեստական կարգադրութիւններու, ոմանք կ'արգիլուին, ոմանք լազատ կը ձգուին, ուրիշներն ալ կը բռնադատուին աշխատելու իրենց զանազան պէտքերը գոհացնելու համար:



ԳԻՆՈՎՈՒԹԵՆԷ ԾՆՈՒՆԴ ԱՌԱԾ

ՀԻՒԱՆԴՈՒԹԻՒՆՆԵՐԸ

Չափազանց խմուղ մարդուն գործարաններուն բնախօսական պաշտօնները նախ կը խանդարին, յետոյ կը տկարանան եւ վերջապէս բոլորովին կը մնասուին :

Վնասուող գործարանաց մէջ առաջինն է ստամոքսն, որ նախ կը գրգռի եւ կը բորբոքի, որոնց հետեւանքն է ախորժակի պակասութիւն եւ ասոր հետ միատեղ ծարաւը կը շատնայ, այսինքն քիչ ուտելու եւ շատ խմելու տարօրինակ փափաք մը, որ վերջապէս անհրաժեշտ պէտք մը կ'ըլլայ :

Առաւօտուն արթննալուն, մարմինը յոգնութիւն շառածի պէս կ'ըլլայ եւ կոկորդային հազով մը, կ'կտի թեւ թեւ երկնցող փակուցային մաղաս մը քակուիլ :

Գինովին քունը խռովեալ ու գրգռեալ է տխուր պատկերներով, ցնորքներով, բանդագուշանքներով, մեռեալներու, թաղման արարողութեան, սողացեալ անասնոց, օձերու, կարիճերու, սգուաւներու, իրական ու երեւակայական կենդանեաց տեսիլքներով. ճիւղներու, գահավէժներու, ձուկ, օձ եւ զանազան անասուններ պարունակող պղտոր ջուրերու մէջ անկումներով եւ ուրուացուցութիւններով :

Գինովն իգաջլախտի նման ջղային զանազան հիւանդութեանց եւ դժուարամարտութեան յատուկ բոլոր ախտանշանները կ'ունենայ : Գինովին

լեզուն եւ ձեռքերը կը դողան . դէմքն ապուշ կերպարանք մը կ'առնու . իմացականութիւնը կը թըմբի . շարժումն անկանոն . ձայնը հաստ ու խռարոտ կ'ըլլայ :

Գինովը քիչ կ'ուտէ եւ որչափ քիչ ուտէ , այնքան շատ կը խմէ . հանդարտ չքնանաօր եւ պէտք եղածին չափ յողնութիւն չառնելուն մարմինը կը տկարանայ . այս պայմաններուն մէջ մարմինն ամէն կողմանէ նիհարնալով, Բոստոնը ըլլալու պատրաստ կ'ըլլայ :

Գինովը չարաչար մեռցնող զլիտաւոր հիւանդութիւններն են՝

1. Լեարդի ,

1. Երիկամունքի ,

3. Սրտի ,

4. Թոքի ,

5. Ուղեղի , այսինքն այն ամէն անդամներուն ուսկից կ'անցնին օդին ու ամէն տեսակ ոգելից ըմպելիք :

Թ Ո Ւ Ա Խ Տ

Այս տեսակ թոքախտաւորք կը տեսնուին Ժառանգական թոքախտաւորներէ ծնեալներու վրայ , որոնց ծնուքը կը մեռնին 35 տարեկանէ սկսեալ մինչեւ ի խոր ծերութեան մէջ : Բայց այս հիւանդութեան ենթակայ կ'ըլլան նաեւ կորովի , բարեկազմ եւ մանաւանդ թոքախտաւոր չեղող ծնո-

դաց զաւակունք, ինչպէս է բեռնակրաց եւ դոր-
ծաւորաց դասն, որք օղին կը խմեն մէկ կողմէն
ուժաւորելու եւ միւս կողմանէ յոգնութիւն առ-
նելու երեւակայութեամբ :

Գինովին թոքախտը մասնաւոր հակամէտութիւն
մը ունի աջ թոքին համար, որ կ'սկսի կոնակի
վերի ծայրէն . իսկ ժառանգական թոքախտն ընդ-
հանրապէս ձախ կողմէն սկսիլը փորձով հաստատ-
եալ է : (Յնչողական խողովակներուն բնախօսա-
կան ընդունակութիւնը շնչառական վերին ճամ-
բաներուն հետ ուղղակի յարաբերութեան մէջ
գտնուելով երեք բլթակներէ կազմուած եւ հետե-
ւաբար արիւնագործութեան աւելի ընդարձակ
դաշտ մ'ըլլալով աջ թոքն առաւելակշիռ կազմա-
խօսական կենաց ենթակայ գտնուելով աւելի շուտ
կը հիւանդանայ) :

Ձախ թոքը միայն երկու բլթակ ունի եւ որոնց
մէջտեղը կը գտնուի սիրտ :

Ոգելից քմպելեաց պատճառած թոքոխտն աւե-
լի շուտ կը բարեշրջի : Երբ խմողը բազդատարար
տկար կազմուածքի տէր է, դեղերն ալ քիչ կ'ազ-
դեն, մանաւանդ ստամոքսն ալ արդէն հիւանդ
ըլլալով նորոգիչ սնունդ առնելու արգելք կ'ըլլայ :

Բայց եթէ թոքախտին վարակման առաջին
նշանները կանուխէն հաստատուին եւ պատճառն
ալ ճշդիւ որոշուի, շատ անգամ հիւանդութեան
առաջը կ'առնուի եւ մանաւանդ երբ հիւանդին
ախորժակը դեռ բոլորովին դոցուած չէ :

Բժշկական վիճակագրութեամբ հաստատեալ է
թէ ախորժակ ունեցող թոքախտաւորաց 100 ին
90 ը կ'առողջանան, մանաւանդ եթէ առողջ օդ

առատ լոյս ու արեւ ունեցող, խոնաւութենէ
 զերծ բարեխառն միջավայրերու մէջ ապրելու
 բախտը կամ գիւրութիւնն ունենան. ասոնք ամէն
 տեսակ դեղերէ ոչ միայն գերազանց, այլ ամէ-
 նէն օգտակար ու առողջապահական միջոցներն
 են թոքախտաւորներու համար:

Ոգեից ըմպելիք երկու կերպով խմողը թոքախ-
 տի ենթակայ կ'ընեն

1. Ոգելից ըմպելիք գործածողներուն մարմինը
 բերրի միջավայր մը կ'ըլլայ թոքախտին միկրոպ-
 ները թէ սնուցանելու եւ թէ բազմացնելու:

Գինովներուն թոքախտը խիստ արագ ընթացք
 մը կ'ունենայ. այս տեսակ թոքախտաւորներուն
 բերնէն առատ ու յաճախ արիւնահոտութիւն ալ
 կը պատահի:

Ուստի քանի որ գիտութիւնն այժմ կը սորվե-
 ցընէ, թէ վարատող քնակարանաց նման, ոգելից ըմ-
 պելեաց գործածութիւնը թոքախտ կոչուած հալիչ
 ու մաշիչ հիւանդութեան գլխաւոր պատճառնե-
 րէն մին է, աւելի դիւրին է անոր առաջքն առնող
 միջոցները ձեռք առնել սովորիլ:

Շատ անգամ լեարդն ալ կը հիւանդանայ, կը
 խոչորնայ, կը ճարպոտի եւ կը թոքախտաւորի:

Գինովութիւնը կը ծնի նաեւ վերնորոտիւն եւ
 իւրաքանչիւն:

Այս ըսածներս առասպել չեն. բժշկական վի-
 ճակագրութեամբ հաստատեալ են. 2 անգամ 2 ք

4 կ'ընէի նման բացարձակապէս անհակառակելի-
ճշմարտութիւններ են :

Օղիին մարդու ջիղերուն վրայ անուրանալի ազ-
դեցութիւնն իրարու յաջորդող հետեւեալ չորս
աստիճանները կուենայ :

Ա .

Գրգռում :

Արիւնը՝ մազանման երակներուն մէջ արտասու-
վոր կերպով կը համախուժէ . շարժողութեան ծա-
ռայող ջիղերը կը ջլատին . կ'անդամալուծին եւ
անբաւական սանձ մը կ'ուենենան . մանաւանդ յե-
ղուրախութեան ազդեցութեան տակ կը դտնուին .
իրաւ է որ մարմինը դեռ աղղուած չէ , բայց
միտքը թմրիլ կ'սկսի . սրտաբեկեալ վիճակ մը ե-
րեւան կ'ելլէ , որոյ կը հետեւի ապշութիւնը :

Բ .

Դեղերային վատուծութիւն

Այս վիճակին մէջ ջղային դրութիւնը կ'սկսի
ծանրապէս ախտանալ . ստորին շրթունք կը կքի .
լեզուն կը ծանրնայ . ոտքերը կը տկարանան . ձեռ-
քերը կ'ուժաթափին . դիմաց մկանունք ապշու-
թեան առաջին նշաններուն նման որոշիչ յատկա-
նիչ մը կ'ուենենան :

Գ.

Իմացական վատութիւն .

Իմացական կարողութիւնք կը տկարանան , կը շփոթին , որք նշան են ուղեղին ախտանալուն . լեզուն ոչ շուտ կը պատասխանէ եւ ոչ կարող կ'ըլլայ միտքն յայտնել . Իմացականութիւնը կը ներքեւի . բարի սովորութիւնք կը բթանան , կ'աներեւութանան , անասնական բնազդք կ'սթափին :

Դ.

Անգիտակցութիւն .

Զգացողութիւնք կը խաւարին . ջիղերուն ուղեղին վրայ ունեցած մասնաւոր գրգռականութիւնը կը մարի . օղիին աղբեցութեամբը ջիղերը կը թըմբին . բոլոր մարմինն անշարժ կը մնայ , վերջապէս կը ւրիշայ :

Ահա օղիին արմատացեալ սովորութեան կամ գինովութեան յեղաղդեցիկ պատկերը ,

Ֆիզիքական վատթարացում ,

Բարոյական սլլասեռում :

Գինովութիւնն իր ամէն ձեւերովն , իր անմիջական հետեւութիւններովը մարդասպանութեան պատճառ ըլլալն ալ բժշկական վիճակագրութեամբ ապացուցեալ է . ինչպէս՝ հազարաւոր օրինակներէն միայն հետեւեալը բաւ կը համարիմ , որ է , Պօն քաղաքի բժշկական վարժարանի դասատու եւ իր 80 տարեկան փորձառութեամբը հոչակաւոր

յիմարարոյժ Բիշման բժշկին հետեւեալ վիճակագրութիւնը :

«Իւտաժիւռթ անուն օղիամուլ կինէն 834 սերունդ ծնած է, որոնցմէ 709 ը բանտերու մշտընջենաւոր յաճախորդներ եղած են : Այս թուոյն մէջէն 106 ն սալօրինաւոր ծնունդ, 142 ն աղքատախնամ ընկերութեանց արձանագրեալ, 181 ը պոռնիկ, 72 ն յանձաւոր եւ 7 ն ալ մարդասպան եղած են :

75 տարուան մէջ այս ընտանիքն իր երկրին ու ազգին բանտերուն մէջ պատասպարելու համար 35 000,000 դահեկան վատնուած է :

Ձեմ ուզեր մի առ մի գրի առնել գինովութեան մեր օրերուն, մանաւանդ այս աստիճան ընդհանրանալուն դուր պատճառներն, այլ իրրեւ բժիշկ միայն մի պատճառն յառաջ կը բերեմ, որոյ պատասխանատու են բնախօսութիւնն ու գիտութիւնը :

Ի սկզբան երբ տակաւին գիտութիւնն եւ բնախօսութիւնն այսօրուան չափ յառաջ չ'էին գտցած բժիշկներն ալ ընդունած էին, թէ օղին օգտակար եւ անհրաժեշտ պէտք մ'էր արհեստաւոր մարդուն սնունդն ամբողջացնելու եւ իր աշխատութեանը պէտք եղած եռանդն եւ ուժը տալու :

Ի սկզբան բժիշկը համոզուած էին թէ, օղին մարմինը տաք պահող ջրածնածխային կերակուր մ'է, որ խմողին մարմնոյն մէջ ջրոյ, ածխային թթաւի եւ ջերմութեան կ'այլափոխի : Եթէ ասիկարելի է եւ եթէ իրօք այսպէս կ'ըլլայ, փոքրիկ քանակութեանց համար ճիշդ է. բայց մեծ քանակութեամբ գործածողներուն, ըսենք գինով-

ներուն համար հակառակն է . զի ապացոյցեալ է թէ շատ խմողներուն խմած օղին , խմուածին նման բնական վիճակին մէջ , այսինքն առանց տարրալուծուելու թոքերու եւ երիկամանց միջոցաւ դուրս ելլելուն շրջան ըրած անդամները կը հիւանդացնէ , ինչպէս ստամոքսը , լեարդը , թոքերն , երիկամունք եւ ուղեղն իր ջիզերովը :

ԴԱՐՄԱՆ ԳԻՆՈՎՈՒԹԵԱՆ

Պէտք է սովրեցնել ամէնուն թէ օղին սնունդ չէ . գիտնալ պէտք է թէ աւելի առողջ ու կորովի պիտի ըլլան , եթէ օղին համար վատնած դրամնին սնունդի յատկացնեն . այն ատեն ուժով աշխատելու կարող ըլլալովնին , թէ աւելի առողջ պիտի ապրին եւ թէ աւելի պիտի շահին :

Գիւղացիք ամէն առաւօտ բան չկերած ու չը խմած օղի խմելու սովորութիւն ունին :

Քաղաքացիք սեղան չնստած օշինդր , վերմուտ , լեղի եւ ուրչ ըմպելիքներ կը գործածեն իրբեւ ախորժակ գրգռող . ինչպէս եւ կերակուրէն յետոյ իրբեւ մարսողական՝ քօնեաք , շաքարանիս , կարթուսեակ եւ այլն խմելն օգտակար ու անհրաժեշտ համարած են :

Ամէն ոք համոզուելով գիտնալու է թէ օղին թոյն մ'է :

Ամէն ոք վտանգը տեսնելով զգուշանալու է :

Դատարանք, հիւանդանոցք, յիմարանոցք, բանտք եւայլն, որոնց յաճախորդներուն մեծագոյն մասն օղի խմողներն են, շատ յոգնութիւն պիտի տանեն: Ի՛նչ ահուելի գումարներ կը վատնուին վերոյիշեալներուն համար: Օղիին տուրքը գինովութեան հետեւանք եղող ահուելի եւ մշտընջենաւոր ազգտից համար եղած ծախուց հազիւ 1¼ րդ. մասը կը կազմէ:

Ոչ միայն օղին, այլ մանաւանդ օտար երկիրներէ եկող դրօշմահոտով եւ քաղցրահամով ամէն անասնի սպիւնից ըմպելիք ու գլխաւորը, ցնդական եւ թունաւորիչ յատկութիւններ ունեցող «դոներ» կը պարունակեն. ինչպէս են դառնօղին, վերմուտը, կեռասօղին եւայլն:

Ասոնց առաջին առնել խիստ դժուար է. խմելու սովորութիւն ունեցողները համուզել գրեթէ անհնարին է. բայց այսու ամենայնիւ չվհատելով ամէն միջոց ի գործ դնելու է:

Աւելի ազդու ըլլալու համար խոհեմութիւնը կը ստիպէ դէշութեան դէմ մաքստիչ իր ծննդեանը մէջ. այսինքն տղայութիւնէն սկսեալ: Զգուշացնել պէտք է տղաքը սոյն ազգտին ահարկու վտանգներէն ու պատուհասներէն:

Դատարարակը մեծ դեր ունի. կրնայ ամէնայն դիւրութեամբ պէտք եղածն ի գործ դնել: Քիմիազիտաց, բնախօսաց, բժշկաց կողմանէ բնաւուծարաններու մէջ եղած փորձերը տղայոց առջին կրկները խիստ դիւրին է:

Զորօրինակ անասնոց վրայ փորձեր ընելով ցուցնել տղայոց, թէ օղին ի՛նչ ահուելի ազդեցութիւն ունի եւ անոր գործածութեամբը ծնող մկնային

ցնցումներն ու վերնոտուժեան ջլահարուածներն :

Ասոր հետ մէկտեղ պէտք չէ մեր ջանքերը սահմանափակել միայն տղայոց, այլ պէտք է հրապարակ հանել. պզտիկներուն նման, մեծերուն համար ալ փորձեր եւ բանախօսութիւններ ընել :

Սովրեցնել ամէնուն թէ՛

Օղին խոյն եւ գինւոյն-խելանը մի՞տ աղէր ծ'է :

Օղին ուժ չի տար. կենսական ուժերը չաւելցընէր. փոխանակ մարմինը տաքցնելու կը մտեցնէ :

Կուշտ կամ անօթի բերնով, քիչ կամ շատ ալ խմուի, ոգելից ըմպելիք ուշ կամ կանուխ, միշտ եւ անպատճառ գինւովութեան կ'առաջնորդեն :

Գինովութիւնը ծնողքէ առ զաւակս կ'անցնի :

Կարթուսեակ, շաքարանիս, լիդի, վերմուտ, կեռասօղի եւ ամէն տեսակ ոգելից ըմպելիք հասարակ օղիէն աւելի վտանգաւոր են :

Ամէն տեսակ ոգելից ըմպելիք սննդական որ եւ է արժէք չունին. ոչ իբրեւ նորոգիչ եւ ոչ իբրեւ տաքցնող կերակուր կը ծառայեն :

Գինին, գարեջուրն եւ խնձորաղինին զիրենք պատրաստող նիւթերէն աւելի պակաս սննդական կարողութիւն ունին :

Օղին աւ ոգելից ըմպելեաց վտանգներն ամէնուն, մանաւանդ տղայոց սովրեցնելու, զանոնք օղիին գործածութենէն ետ կեցնելու համար մասնաւոր ընկերութիւններ կազմել. այս բարի ու առողջարար սկզբունքը ծաւալելու, ամէն կողմ տարածելու համար բանախօսներ յատկացնել. որք մայրաքաղաքէս սկսեալ ի դաւառս մինչեւ երկու տնէ բազկացեալ գիւղերու ժողովրդեան քարոզեն :

Տարակոյս չունինք թէ քիչ ժամանակի մէջ զգալի արդիւնք ձեռք կը բերուի: Կարեւորն է չվհատելով յարատեւել, ասոր համար ոչ մի միջոց զանց չընելով, ամէն բան ի գործ դնելու է. բանախօսութիւնք, գիրք, լրագիր եւայլն ամէնքն ալ այս նպատակին ծառայեցնելու է:

Որովհետեւ վերի ըսուածներէն ամէն ոք կրնայ համոզուիլ, թէ գինովութեան ազդեցութիւնն ահռելի է, եւ ոչ միայն գինովը կը վտանգի, այլ ամբողջ սերունդը կը մարի, կը փճանայ:

«Առաջնորդ Առողջապահութեան» անուն աշխատասիրութեանս այս ի. Հատորիկիս նպատակն է նոր սերունդին դիմել, մեր պլտիկներուն, իրենց կենաց առաջին քայլերէն սկսեալ որեւէ որեւէ օրին. ե- գինովութեան ահարկս- հետե- ո- թիւներէն սոս- կացնել:

Կը փափաքիմ եւ կը խնդրեմ որ դաստիարակք ուր որ ալ կը գտնուին նպատակն աջակցելով գոնէ շարաթը մի ժամ այս նպատակին յատկացնել:

Սովրեցնեն տղայոց թէ օրին թոյն մ'է, ոչ միայն անհատն, այլ ամբողջ ընտանիքը կը վատթարացնէ:

Գինետունն յաճախողին տանը հացը քիչ կ'ըլլայ, կինն ամուսինէն կը պաղի, զաւակը հօրմէն կը զզուի:

Ուստի նկատելով որ ամէն տեսակ ոգելից ըմպելիներու հետեւանքն եզոզ գինովութիւնը մարդոց առողջութեան համար մշտնջենաւոր վտանգ մ'է. նկատելով որ բժշկական վիճակագրութեամբ տպացուցեալ է որ, գինովութիւնը թէ ուղղակի եւ թէ ժառանգաբար զարնող, ձեծող, բզկտող,

գրգռիչ եւ ոճրագործական յիմարութիւնն , անհատին եւ ամբողջ սերունդին Քիչկիքական եւ իմացական վատթարացումը կը ծնի :

Նկատելով որ ոգելից ըմպելիք երկրին ամէն տեսակ ուժերուն նոյնինքն կենսականութեան կը վնասեն :

Նկատելով թէ մարդկային գերագոյն շահն ստիպողական կարեւորութիւն մ'ըրած է այս արմատացեալ վտանգը , գինովութիւնը հալածել :

Նկատելով որ հարուստն ու աղքատը , մեծն ու պզտիկը , արք ու կանոյք , ամէնքն ալ կը խմեն , անհատապէս եւ ընդհանրապէս ամէն ոք , հոգևով ու մարմնով , ամէն ճիգ ու ջանք ի գործ դնելու է կարելի եղած սահմանին մէջ վտանգին առաջքն առնել . ինչպէս՝

Առաջին . — Օղկահարութեան , չափաւորութեան , ժուժկալութեան ընկերութիւններ հաստատել քաղաքներին սկսեալ տարածելով մինչեւ ամենափոքր գիւղերը :

Երկրորդ . — Անխտիր ամէն եկեղեցեաց մէջ քարոզներով , վարժարանաց մէջ բանախօսութիւններով հարստել ֆինովութեանը :

Յրրորդ . — Դաստիարակին , ծնողաց , մանաւանդ մայրերուն եւ պզտիկներուն գինովութեան ահռելի հետեւանքները սովբեցնող պարզ ոճով դիւրագին եւ գրաւիչ հրատարակութիւններով :

Արգիլել , տանձել կարեւոր է , բայց կանխարգելն , ա՛լ աւելի գերազանց է , ինչպէս ֆինովութեանը դաստիարակելու հիմանք լուսնու համար տեղի է դրածն ընել աւելի խոհութեան եւ շահաւոր է :

Փափաքելի է որ վտանգին առաջքն առնելու համար արմատին դիմենք, պզտիկէն սկսելով որ դպրոց կ'երթայ դաստիարակուելու եւ բարոյականանալու :

Բաղձալի է որ տղայք սովորին յարգել իրենց անձն եւ յարգել իրենց ընկերը :

Յանկալի է թէ օր ըստ օրէ մարելու վրայ եղող այս զգացողութիւնն արթննայ :

Տենչալի է որ ամէն օր կրկնուի թէ՛

Մոլորեալն յը ընթանի՛ յը պահելն աւելի սուղ է :

Ոգելից ընպելիք եւ մասնաւորապէս օղի խմողներուն համար թեղադրութիւն մը չըլլա՛ր արդեօք երբ ըսենք թէ 50 տարի առաջ Անգլիոյ մէջ 1847 նոյեմբեր 9 ին Լիտ քաղաքին մէջ հիմնարկուած է, Պէնք օֆ հօթ, լեզէոն յուսոյ, անուամբ ժուժկալութեան ընկերութիւն մը 125 անդամներով : Իսկ այսօր բոլոր Անգլիոյ մէջ 22993 հոտսոյն օրինակ ընկերութիւններ զբաւնուին 3000000 էն աւելի անդամներով :

Նմանապէս Ամերիկայի Միացեալ Նահանգաց մէջ 30000 ընկերութիւնք կը գտնուին 10000000 անդամներով : (Ամերիկացւոց հարուստ եւ աշխատասէր ըլլալնուն ապացոյց չէ՞ մի) :

Գաղղիա ունի 15000 ընկերութիւնք 7000000 անդամներով :

Պէլճիքա ունի 7000 ընկերութիւնք 6000000 անդամներով :

Ամէն քարոզիչ իր շրջանակին մէջ գտնուող

վարժարանաց դաստիարակներուն կը դիմէ, սոյն օրինակ ընկերութիւնն յանձնարարելով:

Ժուժկալուժեան ընկերութեանց նպատակը տղուն միջոցաւ գինովութեան դէմ մաքառելով մոլութիւնն արմատէն խլել է:

Այս դրութեան կամարին բանալին է ամէն տեսակ ոգելից ըմպելիք չգործածելը:

Այսպիսի ընկերութեանց նիւթական, դրամական եւ բարոյական օգտակարութիւնը կա՛րելի է միթէ ուրանալ:

Համարենք թէ 100000 մարդ միայն օրական 40 ական փարա վատնեն օղիի, գինիի եւ ամէն տեսակ ոգելից ըմպելեաց համար. օրական 100000 ամիսն 3000000, իսկ տարին 365000000 դահեկան կ'ընէ: Ահա մի տարուան մէջ այսչափ ահռելի գումար մը կը վատնուի, մարմինները թունաւորելու մէկէն աւելի ծանր հիւանդութիւններով չարչարուելով եւ կանխահաս մահուամբ մեռնելու համար:

Միւս կողմանէ ցաւալի է տեսնել թէ Թուրքիոյ Հայոց մէկ հատիկ Հիւանդանոցի 1000 պատըսպարեալներու համար տարին միայն 2000 000 դահեկան ծախսելու ո՛րչափ նեղութիւն էր կրենք. չենք կարողանար ոչ հիւանդները բժշկական օրինօք, ոչ յիմարներն իրրեւ հիւանդ գիտական տեսակէտով դարմանել, ոչ անկարները մարդկօրէն խնամել եւ ոչ որբերն առողջապահութեան պէտք եղածին պէս սնուցանել Փիզիքապէս եւ ոչ ալ մարդասէրն՝ Սրէնսըրի դրութեան համեմատ դաստիարակել բարոյապէս:

Եւ եթէ ըսենք թէ 100000 մարդիկ տարին

365000 դահեկան կը վատնեն, այս չէ ճիշդ գումարը, հապա այս միլիոններուն վրայ պէտք է քարդել բժշկի, դեղագործի, կաթի, մսի ջուրի զանազան ոճիրներու, դատարանայ, բանտերու, հիւանդանոցներու, յիմարանոցներու առթիւ եղած միլիոնաւոր ծախսերն:

Եթէ տարին միայն 1000 մարդ գինովութեան առթիւ կանխաճասաբար մեռնին, մի մարդու կեանքն 300 ոսկի հաշուելով, թաղման արարողութեանց համար եղած անհրաժեշտ ծախքը չը հաշուելով տարին 324000000 դահեկան կ'ընէ:

Հապա թափուած լեղի արցունք որ եթէ հաւաքել հարկ ըլլայ, գետեր ու ծովեր չն'ն կարող յօրինել:

Ուրեմն գինովութեան վտանգներն ի նկատի առնելով ազգային կրօնական ժողովն, Առաջնորդք եւ ընդհանուր կրօնական դասն եւ մանաւանդ Քահանայք թէ ի մայրաքաղաքս եւ թէ ի գաւառս միասիրտ եւ միահոգի պարտին խորհիլ այս կենսական կարեւոր եւ բուն խնդրոյն վրայ:

Եւրոպական շատ ազգաց նման մեր մէջն ալ տգեւից ըմպելեաց չափազանց դործածութեան հետեւանք եղող Ֆիզիքական, բարոյական եւ իմացական գեշութեանց արտայայտումն եղող գինովութիւնը, կաթողիկոս, Պատրիարքունք, կրօնական ժողով, Առաջնորդք եւ բոլոր Քահանայից դասն յուզուելով դարման ու միջոց ձեռք առնելու աստիճան տարածում գտած է ամէն կողմ, զի մարդկութեան բարգաւաճումն արգիւզելով կորուստ կ'սպառնայ. ինչպէս,

Ա. Բժիշկը,

Բազմաթիւ օրինակներով կը հաստատէ կազմական վատթարացումը, զանազան անդամոց հիւանդանալը, խանգարումն իմացական կարողութեանց, ջնջումն սեռական կենաց:

Բ. Գատաւորն՝

Ամէն օր կ'ուսումնասիրէ մարդոց գործելու և խորհելու փոփոխութիւնները, կամքի ու գործունէութեան անդամալուծութիւնն, ամէն տեսակ ոճրագործութիւնք:

Գ. Բարոյագէտը՝

Մեծ ցաւով կը տեսնէ ամենասրբազան կապերուն քայքայումն, ընտանեաց սրբաձայրին պղծումը:

Դ. Տնտեսագէտը՝ կը դիտէ աղքատութեան ու թշուառութեան օր քան զօր յաւելումը:

Վերոյիշեալ տողերը կը հաստատեն թէ այս կենսական խնդրոյն համար տնտեսագէտք, բարոյագէտք ու մարդասէրք կ'աշխատին. բայց գինովութեան առաջքն առնելու համար ամէնէն աւելի ազդեցութիւն ունեցողներն են բժիշկները:

Բժիշկները կարող են գինովութեան անհետացման նպաստել:

Արդարեւ ի՛նչ եղանակաւ ալ ըլլայ գինովութիւնը, միշտ որ եւ է ոգելից ընկերիով մը ըլլալն յայտնի է. այս պատճառաւ բժիշկը միայն կարող է օգլին վնասակար ազդեցութիւնը հասկընալ:

Գինովութեան, ինչպէս ամէն տեսակ ոճրագործութեանց դէմ, առողջապահութիւնը կարող է մաքառիլ:

Առողջապահութիւնը կը պահանջէ, թէ օղին իբրեւ դեղ միայն դեղագործաց խանութը գըտնուի, ինչպէս ուրիշ ամէն դեղօրայք:

Գինովութեան դէմ ամէնայն օգտակարութեամբ մաքառելու համար ամէնէն անհրաժեշտ եղող բժշկական միջոցներն են.

Ա. Քիչ քանակութեամբ ալ խմողի մը օղիամուլ ըլլալու ժամանակն որոշել:

Բ. Ագելից ըմպելեաց փոքր ու միջակ քանակութեամբ գործածութեան փնասակար ազդեցութիւնն երեւան հանել:

Գ. Առողջ եւ հիւանդ մարդու մը, կամխմողին կամ չխմողին վրայ օգելից ըմպելեաց իբրեւ սնունդ, ուժ եւ գրգիռ տուող յատկութիւններն լուսաբանել:

Դ. Օղին մարդու կազմուածքին կենսական կարողութեանց վրայ ունեցած դերը բացատրել:

Ե. Օղիամուլութեան կարեւորութիւնը լուսաբանել երբեւ պատճառ հիւանդութեան:

Զ. Բժիշկներն ամէն տեսակ տարափոխիկ հիւանդութեանց նման գինովութեան առջեւն առնելու համար ալ նոյնչափ աշխատելու են:

Առողջութեան վերաբերեալ այս կենսական խնդիրն ի նկատի առնելու ստիպողականութիւն կայ. զի հետեւութիւնը պարզ, թեթեւ եւ անհատական չէ, այլ ընկերական ընդհանուր հիւանդութիւն մ'է, որ մարդուս կեանքն ի հիմանց ծիրերելու, մաշեցնելու աստիճան վտանգաւոր եղած է:

Գինովութիւնն ընկերացած ըլլալով

Ջերմին

Թոքախտին եւ

Գաղղիական ախտին

մինչեւ երկու տունէ բաղկացեալ գիւղերու մէջ
աղքատութիւնն եւ տգիտութիւնն իրենց ահագե-
լի հետեւութիւններովը մեծ աղէտ մ' ըլլալ
սպառնացած է :

Այս տողերը ցաւ ի սիրտ գրելու առիթ տուած
է ի գաւառս ըրած ճամբորդութեանս միջոցին
հարիւրէ աւելի հայ գիւղերու մէջ գինի եւ օղի
խմելու չափազանցութեան սոսկալի հետեւութեանց
անհաստես ըլլալ :

Շատ գիւղերու մէջ սովորութիւն է , առաւօ-
տուն կանուխ իրրեւ սուրճ մէկ քանի գաւաթ
օղի խմել . երբ մէկու մը տուն երթաս , օրուան
որ ժամն ալ ըլլայ , ցերեկ եւ երեկոյ տղան (տան
էրիկ մարդը) կամ հարօը (տանտիկինը) օղիին շի-
շը , «յ մը (պնակ) ձիթապտուղ քիչ մը հացով
կը բերէ անմիջապէս , ասի սովորութիւն է ամէ-
նօրեք եւ ամէն տուն առանց բացառութեան .
եթէ պատահի որ ընտանիքի մը օղին կամ գինին
հատնի , ժամանակէն առաջ , հացին նման իրար
մէ փոխ կ'առնեն . ամէն տուն եթէ օղիի մէկ
գաւաթ գտնուի , գինիի եւ ջուրի գաւաթ հա-
զիւ հարիւրէն տասը տուն կարելի է գտնել . ինչ-
պէս որ գինին նոյնպէս ալ ջուրն ընդհանրապէս
մածունի հողէ կանանչ կամ կարմիր ամանով կը
խմեն ըստ կարգի զանի բերնէ բերան պտտցնե-
լով : (Տարափոխիկ հիւանդութեանց փոխանցման
անսպառ աղբիւր) :

«Առաջնորդ Առողջաբանութեան» 25րդ. Հատորիկն եղող «Կեանք գաւառացի ազգայնոց» անուն երկովս մանրամասնաբար ոչ միայն օղիի այլ եւ բնակարանաց վրայ խօսած ըլլալով, չեմ ուզեր աւելի երկարել, միայն սա դիտողութիւնը կ'ընեմ թէ, գաւառացի ազգայինք, եթէ իրենց առողջ օգով, մաքուր ջրով, առատ արեւով ու լուսով, կենսատու, դաշարազարդ դաշտերով, փոքր ինչ ալ տեղեակ ըլլային առողջապահութեան, տարակոյս չկայ, թէ ոչ միայն աւելի հանգիստ պիտի ապրէին, այլ միանգամայն աւելի բարեկեցիկ պիտի ըլլային:

Համոզուելու են թէ առողջապահութեան տգիտութիւնն ոչ միայն նոցա սակաւակեաց, այլ միանգամայն աւելի աղքատանալուն պատճառ է:

Առաջնորդք եւ դաստիարակք պարտին ամէնէն առաջ առողջապահութիւնը քարոզել յ'եկեղեցիս եւ ի վարժարանս: Զի'

Բժշկութիւնը միայն անհատները կը փրկէ. իսկ Առողջապահութիւնն զմարդկութիւնը:

ԵԶՐԱԿԱՅՈՒԹԻՒՆ

Օղի խմելու սովորութեան դէմն առևող միջոցները մի չէ :

Փրկութիւնը միայն դարմանէ կախում չունի :

Թշնամին բազմաճիւղ ըլլալով, չորս կողմէ պաշարելով, անոր դէմ յարձակելով, մէկէն աւելի միջոցներով վիրաւորելու է : Այս եղանակաւ կորելի պիտի ըլլայ զանի նուաճել, տկարացնել եւ վերջապէս յաղթել :

Ոչ ոք կը համարձակի առաջին քայլն առնել :

Բայց ժամանակն, յարատեւութիւնը մանաւանդ հրատարակութիւնք կարող պիտի ըլլան այս նպատակին հասցնել :

Զխմողը միայն գինովին փոսը չիյնալու ապա՛հ հովութիւնը կ'ունենայ :

Միլիոնաւոր խմողներէն եւ ոչ մին ամէնափոքր կասկած մը կ'ունենայ թէ առաջին գաւաթն է որ զինքը պիտի առաջնորդէ այս մոլութեան փոսն իյնալու :

Խմողը պիտի խօսէ առածը ճշմարիտ ըլլալուն, խոհեմութիւնն է բնաւ չսկսիլ :

Խմողն իր կուրծքին մէջ այնպիսի լափող կրակ մը կը վառէ, որ շատ անգամ մեծ դժուարութիւն կ'ունենայ եւ երբեմն ալ բոլորովին անկարող կ'ըլլայ զանի մարելու :

Օղին փոխանակ մարդուս առողջութեան նըպաստելու, եւ Ֆիզիքական, իմացական ու բարոյական կարողութիւնները պահպանել ծառայելու, թէ մարմնոյն և թէ հոգւոյն վրայ սոսկալի ազդեցութիւններ ունենալը բժշկօրէն եւ գիտօրէն ապացուցեալ է:

Ապահովագրական ընկերութեանց կողմանէ հրատարակեալ վիճակագրութիւնք կը հաստատեն թէ հարուստ, աղքատ, քաղաքացի, գիւղացի, արու եւ էգ, ինչ որ ալ ըլլայ, ուր որ ալ գըտնուի եւ ապրի, չխմողն ամէնէն առողջն, ամէնայն նկատմամբ ամէնէն ուժովն է. հետեւաբար ամէնէն աւելի կրնայ աշխատիլ եւ գիմանալ հիւանդութեանց:

Ամէնէն լաւն է չխմելն, որովհետեւ ոգելից ըմպելիք մարդու մարմնաւոր եւ հոգեւոր երջանկութիւնն ու բարեկեցութիւնը կը վնասեն:

Զխմողին վարկը խմողին վարկէն միշտ գերազանց է:

Խմողն այնպիսի խօսքեր կ'արտասանէ, որք յետոյ գինքն ամօթով կ'ընեն:

Նրագործութեանց մեծագոյն մասն օղիէն կը ծնի:

Թուարանական ճշգրիտ հաշուով ապացուցեալ է թէ օղիին գէշ հետեւութենէն ծնունդ առած արդիւնքն, ոգելից ըմպելեաց վաճառականութեամբ յառաջ եկած շահուն հետ բաղդատելով, փոխանակ մարդկութեան օգտակար ըլլալու, զանի հիւանդացնելու, աղքատացնելու, վատթարացնելու եւ վերջապէս ամբողջ սերունդը փճացնելու պատճառն է:

Բժշկական վիճակագրութեամբ ապացուցեալ է թէ օգին հարկեր Վեյլն աւելի հիւանդութիւններ կը ծնի, որոնց մեծագոյն մասն անդարմանելի եւ միշտ չարաչար տանջանքներով մահաւորից են :

Չսմողին քայլն աւելի հաստատ, ձեռքն աւելի ուժով, միտքն աւելի պայծառ, քսակն աւելի լեցուն, շունչն աւելի մաքուր, իսկ քիթն ալ խմողին քիթին նման կարծիք չըւար :

Չսմելը միշտ բարի է, զի ոչ ոք գղջալու առիթ ունեցած է չսմելուն վրայ, իսկ միլիօնաւոր մարդիկ վերջին շունչն աւանդելու վայրկեանին անիծած են առաջին գաւաթը խմելուն :

Չսմելը խմելէն միշտ լաւ է, զի չկրնար կանխաւ գիտնալ թէ խմելու սովորութիւնն առիթ պիտի ըլլայ անպատճառ իր փճացման :

Վերջապէս խմելն առողջապահութեան, բարոյականութեան դէմ ըլլալէն զատ, տնտեսութեան ալ հակառակ է, զի՝

Օղիին համար տրուած օրական տասը փարան 25 տարուան մէջ, տոկոսովը 50000 դահեկանի չափ գումար մը կ'ընէ :



ԱՌԱՋԱՐԿՈՒԹԻՒՆ

Ուստի միթէ կարելի չէ՞ ամէն վարժարանաց մէջ աշակերտ մը 12 տարեկան եղածին պէս, պատուոյ վրայ ուխտել տալ մինչեւ ցկեանս կամ գոնէ մինչեւ 20 տարեկան չեղած որեւէ ոգելից ըմպելիք բերանը չառնելու :

Ի՛նչ դժուարութիւն կայ այս միջոցին գործադրութեան, բաւական է որ վարժարանաց պաշտօնեայք, մանաւանդ դաստիարակք կամենան :

Այս բարերար սկզբան տարածման եւ ուխտին կատարման համար տումար մը բաւ է, որոյ մէջ ժուժկալութիւն ուխտող աշակերտն իր ստորագրութեամբը կը վաւերացնէ իր պայմանը հետեւեալ բանաձեւով :

Բ Ա Ն Ա Ջ Ե Ի

Մինչեւ ցկեանս կամ գոնէ մինչեւ 20 տարեկան չեղած օգի, գինի եւ ամէն տեսակ ոգելից ըմպելիք չխմելս հրապարակաւ կուխտեմ պատուոյս վրայ եւ ի հաստատութիւն կ'ստորագրեմ :

Ամէն աշակերտ ՚՛ յտարին լրացուցածին պէս ստիպեալ ըլլայ արձանագրուիլ եւ ընդունիլ վկայական մը :

Այս արարողութեան աւելի զարկ ու փայլ մը տալու համար դպրոցականք նոյն օրը պահեստի զգեստնին հագնելու են, թաղին կղերական դասն ու աշակերտաց ծնողքն ալ պէտք է հրաւիրել :

Տարակոյս շէնք ունենար թէ այս սրտաշարժ հանգէսներուն ներկայ դռնուող մեծերն ալ պիտի օգտին, առողջարար տպաւորութիւններով դուրս ելնեն, շատեր վճռեն օղիին հոտը չառնել անգամ մ'ալ :

Իսաստիարակը տարւոյն մէջ մէկ քանի անգամ գինովութեան վտանգին ու մահաուիթ հիւլանդութեանց վրայ բանախօսութիւններ պիտի ընէ :

Աշակերտք որքան ալ պզտիկ ըլլան, այսպիսի դասերով պատրաստեալ մեծապէս պիտի օգտուին եւ որչափ որ ալ պայմանագրութիւննին 20 տարեկան եղածնուն պէս գոյութիւն չպիտի ունենայ, բայց ժուժկալութիւնը սովորութիւն կ'ըլլայ . դաստիարակը տարին մէկ քանի անգամ հին աշակերտները կը հաւաքէ դպրոցական այս բարերար սովորութիւնը պահելու եւ ամրացնելու :

Այս եղանակաւ ընտանիքն ալ անզգալարար կ'օգտուի, դաստիարակին կողմանէ աշակերտին տրուած, գինովութեան վրայ խօսող տետրակներն ու լրագիրները տուն կը տարուի, ուր կարդացուելով, հայրն երբեմն աչքէ անցնել կուզէ գինովութեան եղերքը ներկայացնող պատկերներն, ասոնք տեսնելով մայրն, օղիին շիշն կը

պահէ, կուխտէ վերստին չլեցնել:

Ասի ծանրաքայլ գործողութիւն մ'է, բայց
յարատեւ եւ դպրոցէն սկսելուն ազդեցութիւնն
ապահովարար որոշիչ է:

Ով որ երիտասարդութիւնը կը շահի ապագա-
յին տէրը կ'ըլլայ:

Աւելի դիւրին է պզտիկները խմելիքէ զգու-
շացնել քան թէ խմող երիտասարդներուն համար
աշխատիլ գանոնք վերականգնել:

Ուստի ամէնուն ճիգն ու ջանքն ըլլալու է ո-
գելից ըմպելեաց ժուժկալութեան սկզբունքն
ընդհանրացնել. զի նոցա ամենէն քիչ քանա-
կութեամբ գործողութիւնն ալ վտանգաւոր է,
վտանգ մը որոյ վրայ շատեր կը նաւարեկին:

Տղայոց համար ամենէն ընտիր եղանակն է,
ամէն վտանգէ զերծ ուղիներ ընտրելը:

Ժուժկալութեան ճամբուն մէջ քալելէն որ
եւ է վտանգ մը չկայ:

Բարեբեր հողին յանձնուած առողջ մէկ
հատիկ հունտը բաւ է քիչ տարիներու մէջ
ընդարձակ երկիր մը պատուական պտուղնե-
րով ծածկելու համար:





